

人物(考友)

輿遠通志稿卷九十二
第一百六冊

綏遠通志稿卷九十二

人物(孝友)

順於父母之謂孝。睦於昆弟之謂友。此固中國數千年來儒家所視為天經地義之學。而亦歷代執政者所稱為淳風美化之行也。綏遠雖僻處塞外。民俗樸鄙。然其崇孝友而重倫常。篤宗族以和鄉里。亦猶是墨守古先民傳統之懿德。而不敢違。此則與內地文化蔚盛之名區無少異也。特以記載闕略。文獻難徵。掇拾鱗爪。挂漏自多。茲僅就蒐訪所及。輯為孝友如干條。篇幅雖簡。亦可以備采風問俗者一鱗之嘗焉。

个唐

烽子。豐州人。永泰初。暮出為党。項掠去。與西蕃易馬。蕃將令穴肩骨貫以皮索。配馬數百蹄。與之牧。經半載。馬蕃息。蕃將

賞以羊革數百。因轉進牙帳。贊普子令執纛左右。有剩肉餘。酪與之。又居半年。因與酪肉悲泣不食。贊普問之。云有老母。頻夜夢見。贊普憐之。夜召帳中語曰。蕃法嚴。無放還例。與爾馬。有力者兩匹。間道縱爾歸。毋言我也。烽子得馬。急行俱乏。死。遂晝潛夜走。數日。為刺傷足。倒磧中。若有風吹。物窻窻過。其前足不復痛。走如故。經信宿。至豐州界。歸家。母尚存。案烽子之稱。在唐人所著說部中。極罕見。惟張讀所著宣室志。有以烽子為稱者。其自注云。即荷竹橐而販者。就此註推測。則烽子即後世所謂貨郎也。疑此條之烽子。或係烽子之訛。蓋烽子遊行無方。最易被掠。以職業稱而不著其姓名。亦正合貨郎之身分耳。

孟興雲內州人蚤喪父事母孝謹母沒喪葬盡禮事兄如事其父明昌三年四月戊午詔賜雲內孝子孟興絹十匹粟二十石

↑明

楊清澄雲內人生週歲父卒母郝氏為人縫紉取粟哺清澄方五歲問其母索父母泣曰爾父在我安得貧苦至此攜之墓清澄悲號而拜竟日呱呱泣不絕聲力稍長養其母曰我生不能奉父庶幾竭力以事母百年無恙遂絕口葷酒肉醴以祈母永年母病篤割右膊肉為羹食之旅愈壽至八十一一夕母夢其父曰免孝爾乃享其遐齡後三年此月日當隨我去矣如期卒

↑清

張柏祥歸化城人。侑生。原籍孝義縣。父光泰。客死山左。母矢志撫孤。時柏祥甫三四齡耳。稍長。向母詢其父。輒垂首泣。涕不能已。時時言欲往尋父骸。母曰未也。年十五。決然辭母。誓不得父骸。不歸也。既往東尋。數月杳無蹤影。乃號於壇廟。祝鬼神告焉。嗣於曹州遇白孝廉者。告以其父名氏。孝廉曰吾友也。遂指示葬處。啟視之。刺左手滴血。以試信。然。負骸而至。母驚且慟。且慰。鄉閭稱為古孝子。有道其事者。輒垂淚曰。所以能得此者。我母苦節。有以感之也。光緒二十三年。由學申詳撫院。題請旌焉。

周海山。三兩莊人。賈萬順朝。忽撓人。皆農民也。父母罹痼疾。皆能竭奉養。二十餘年。不去左右。張智歸化城人。侑生。七歲讀孝經。即有不如此。不為人之志。

十歲喪母。躡踊號泣如成人。繼母入門，智曲意承歡如其生
母。家貧為鄉塾師，賴薄脩以致甘旨。父病危，醫者束手，智號
泣籲天，誓終身戒殺以延父壽。病竟愈，人皆以為孝感云。初
智父病無可方略，因念程子謂事親者不可不知醫，遂研習
岐黃之術，為父母調護，俱享大年。
梁國安，父德耀，原籍定襄，以教讀寓歸化城，遂家焉。國安七
歲就外傳，受小學，弟子規等書，歸即習溫清定省，出告反面
之儀。比年十五，其父俾習商業，跪啟曰：願讀書學為人，然以
貧甚，不能得名師，乃出課童子於鄉，且自礪所學。其季弟遠賈於
外，僅足自存，不能供菽水。國安因嗇束脩所餘，偽為弟書寄
其父，父悅，人以為孝友兼至云。後聞父病，馳歸侍湯藥，不解
衣帶者累月。及父歿，哀毀異常，人葬後廬墓久之始歸。光緒

五年卒年六十一。後由同鄉紳衿等申詳晉撫與張柏祥彙案請旌。

續天珍豐鎮廳新城灣村人。乾隆五十二年大荒民多流亡。時天珍尚幼其父外出十數年無耗。母子乏食幾死者數。稍長矢志尋親。三晉九邊足跡幾徧。一日至陝快晚宿店主晉音也。叩其生平知為父大喜。即售店產奉父歸。置田屋聚居。不復出。天珍妻尤善事翁姑。鄉鄰稱之。天珍年八十二而卒。申彭齡豐鎮廳人。原籍介休。因貧與父來豐傭工。後聞科布爾工價昂。又偕父與隣人同往。路出察哈爾。正黃旗之白彥溝。值天大寒。四顧無村落。其父凍不能行。彭齡急脫衣與父。欲父先行。父斥之曰。汝不急行。父子俱斃於此。誰收吾骨者。汝速行。儻附近有人。可急將騎來。彭齡號哭而去。奔五六里。

有蒙古聚落。亟投之。舌僵。但以手指其父所。蒙古人不解其意。扶之就火。愈不能言。乃以氈束其身。卧地上。歷兩時許。始蘇。能言。哭求蒙古人將騎至父所。而其父已冰。彭齡大痛。幾不欲生。乃忍死壘石。瘞父屍。蒙古人憐其孝。助以資斧。匍匐歸。豐每言及其父。則聲淚俱下。謂生不如死。得見父之樂也。踰年春。融負父屍歸籍。而手足之指。因前火烘而俱墮落。後不知所終。

高明。豐鎮廳。豐泰莊人。性孝友。精醫術。父有腹疾。嘗侍湯藥。十餘年不倦。及病劇。醫藥罔效。明技窮。欲求勝己者醫之。後有醫言。糞味苦。尚可療。明嘗糞畧。無難色。其弟先亡。遺子仲魁。尚幼。明愛如己出。延師訓讀。與子占魁俱遊庠。其弟婦曲氏。係繼娶。攜前夫李姓之子。明撫之成立。其他善行如施藥。

勸善難以枚舉。鄉鄰賢之。

張仁豐鎮廳大莊科村人。家貧力耕自給。其父進財素患腿疾。艱於步履。每如廁。仁負以行。至於飲食。雖甚急迫。必親侍之。久無倦色。里人競傳其孝。年已八旬。猶健焉。

方自富。綏遠城藥商也。父早世。事母至孝。晝鬻藥於外。夜必歸奉母。覩其妻稍怠。輒重讓之。其妻亦感而孝謹。其弟自貴。亦愧己不兄。若辭商而歸事母。致母懽心。

韓二仁。托克托廳人。年十二歲。隨胞兄韓雙紅業漁。光緒十三年十月。時值黑河冰結。同兄渡河而樵。兄先陷冰罅中。二仁急趨。捉兄髮欲出之。亦陷焉。民莫能拯。至午後。屍出。二仁抱兄牢不可解。是日觀者數百人。莫不流涕。雙紅妻石氏苦節三年卒。子名海髓。經墾務大臣綏遠將軍貽穀旌以門額。

召海髓給事行臺。使得謀有家室。兼祧二仁。為之後。蓋勿殤之義也。

瑞景字雪萼。綏遠城滿洲鑲白旗佐領。賦性仁厚。篤內行。母病痺轉側。需人。景偕妻高氏。晝夜奉侍。歷三年。無倦容。憂勞憔悴。年未及艾。鬚髮皆皤。白待諸弟。體恤周至。雍雍藹藹。無間言。弟請另爨。乃取先世所蓄。悉推讓之。而諸弟家計。仍代為籌措。務令如願。而後已。諸弟感且泣。事兄益恭。謹一鬻半縷。未嘗自私。二十年如一日焉。

富拉敏。綏遠城滿洲鑲藍旗前鋒。敦厚純篤。天性友愛。弟請析居。美宅沃田。任其取求。不少靳。弟感悟。仍求合爨。出入進退。事無巨細。惟兄命。是聽。兄弟怡怡。人比之為田家荆樹云。舒明。綏遠城滿洲正藍旗人。母病痺癰。明隻身侍疾。扶持抑

搔寢息弗遑。累年無稍怠。菽水不堪承。病母百計。搢措必市。甘旨。以時進。母前稍暇。則演說趣聞雜劇。以悅母。母悅甚。若忘其為貧。且病者。鄉人嘖嘖稱其孝行云。

↑民國

劉茂成。歸綏縣人。父母早世。家赤貧。與兄長成。以傭工謀食。晝同作。夜同息。兄先弟後。怡怡如也。長成力作積勞。目失明。茂成事兄益周。至出入扶持。坐卧抑搔。夜三四作。無倦容。每日歸。以其傭貲市甘旨。餌兄。而自食藜藿。且唯恐兄知。長成痛念弱弟。擔負家累。重計不如速死。以輕弟責。蓄死之念。未嘗形諸言色。適弟聞城市有目科良醫。強兄至市。宿旅邸。旬餘。醫罔效。一日弟外出。兄請留錢市餅餌。弟去。長成浼邸夥導遊市廛。秘購阿芙蓉膏吞之。中夜毒發。呻嘶。茂成欲延醫。

長成拒之。詳言求死之由。茂成抱兄相嚮哭。熱淚橫流。淚盡長成突啟目。竟能辨色。兄弟狂喜。天曙啟。睚視雙瞳。炯然如故。兄弟偕歸。益努力耕作。家日裕。各娶妻生子。人以為孝友之報云。

楊起臯。世居托克托縣。務農業。父蚤喪。遺產不足自給。偕仲弟入市習賈。鬱不得志。返里設帳授讀。兄弟五人。事母皆孝。臯中年為官廳傭書。暇則馳歸省母。每歲元旦。鷄未唱。徒步返里拜母。即返廳。母與諸弟盡力田畝。十餘年。家藉以稍裕。母嘗登屋墮。傷髀不良。於行臯辭職歸侍。扶持出入。一息無敢離母。七十八歲卒。臯哀毀。骨立。喪葬如禮。庚子義和拳變。覬楊氏富。誣為教徒。率六百餘人往畧殺之。楊氏家口危如懸絲。幸同邑俠士吳英挺身率眾脫之。於難。臯七十一歲卒。

於里。

萬源和字清泉。世居偏關。因商於托而家焉。年十六學商於本邑。復合當行。小心翼翼。三十年無過失。源和老而喪子。母高氏痛孫病痺。源和扶持卧起。澣衣滌廁。逾三載。如一日。高年八十而卒。是年正月。源和舉一子。今已成立。業商能克其家。

任威體字德孚。薩拉齊縣人。父早世。母矢志撫孤。艱苦備嘗。威體十七授室。妻武氏克盡婦道。生二子。長秉鈞。次秉琛。年二十五。武病歿。母抱孫痛。婦憂鬱成疾。是年亦卒。屬續時。進威體誠之曰。孫幼稚。慮為後母虐。免既有子。繼嗣緒。勿再娶。以重我泉。下戚也。威體遵母教育。兩子於外家。至於成立。終身未娶。晚年周貧濟困。熱心公益。本縣縣長劉鐵山曾贈以

齒德兼優。匾額資表揚焉。
根辟勒烏盟東公旗古勒更召之喇嘛也。幼時家貧。事母至
孝。出於天性。隣近蒙民均以孝子稱之。稍長。遊方於外。遇人
給以甘旨。不忍獨享。必攜歸奉母。母有所欲。則多方致之。以
博歡心。母或不樂。則歌呼舞蹈。必俟歡笑乃已。蓋二十年如
一日也。

